

Aktuelnosti:

1. Proglašene najbolje lokalne zajednice u 5. ciklusu Beacon Sheme
2. Održan treći sastanak proširene radne grupe za izradu strateških dokumenata Saveza
3. Sastanak delegacije Saveza sa delegacijom CLRAE
4. Završena prva faza regionalne deponije u Tomislavgradu
5. Sistematsko ažuriranje zemljišnih knjiga na području dijela općina Gradačac i Čapljina
6. Konferencija povodom predstavljanja uspješnih projekata u okviru IPA Programa prekogranične saradnje BiH – Crna Gora
7. Strasbourg predlaže Sarajevo za članstvo u Asociaciji evropskih gradova
8. Upis prve emisije municipalnih obveznica u FBIH počinje 11. aprila/travnja
9. Potpisan Sporazum o saradnji na uvođenju trezorskog poslovanja u općinama u FBIH
10. Objavljen drugi poziv za dostavljanje projektnih prijedloga za IPA Program prekogranične saradnje BiH – Crna Gora
11. Objavljen javni poziv za prijavu projekata na transnacionalni program MED
12. Najava seminara «Fiskalna politika i programsko budžetiranje u BiH»

Poštovani članovi i čitaoci,

GLEDAJTE svake druge subote u 13:30 sati na Hayat TV – “Moje dvorište” dokumentarno informativnu emisiju o lokalnoj samoupravi. Repriza je utorkom u 14:15

<http://vimeo.com/user5457690/videos>

PROGLAŠENE NAJBOLJE LOKALNE ZAJEDNICE U PETOM CIKLUSU BEACON SHEME



BRČKO, 14. april/travanj – Nakon ozbiljnih analiza i sagledavanja rezultata u više od 20 prijavljenih lokalnih zajednica iz BiH, a na prijedlog Savjetodavnog odbora Beacon Sheme izabrano je šest općina koje će ponijeti Beacon status za 2011. godinu.

Teme iz kojih su se takmičile lokalne vlasti Bosne i Hercegovine su bile: međuopćinska saradnja, položaj i uloga mjesnih zajednica i priprema i upravljanje projektima EU.

Implementatori ovoga projekta su entitetski savezi općina i gradova u BiH (Savez općina i gradova Federacije BiH i Savez opština i gradova RS) uz tehničku podršku OSCE-a i finansijsku podršku Federalnog ministarstva pravde, Ministarstva za državnu upravu i lokalnu samoupravu RS i Brčko Distrikta BiH.

Iz oblasti međuopćinska saradnja nagrade su dobili općine Kostajnica i Trnovo. Druga tema je položaj i uloga mjesnih zajednica u jedinicama lokalne samouprave, a nagrađene općine su Bihać i Kakanj, dok su u sklopu treće teme - pripreme upravljanja projektima Evropske unije (EU), nagrađeni Banja Luka i Tuzla.

Priznanja, koja podrazumijevaju i novčane nagrade od po 6.000 KM dobilo je šest općina, a svečanost u Brčkom je iskorištena i za promociju šestog ciklusa.

Promovisanjem tema šestog kruga Beacon Sheme otvoren je i poziv za učešće i kandidovanje najboljih praksi svim lokalnim zajednicama na području BiH.

Program Beacon Scheme, u okviru kojeg se nagrada Beacon status, odnosno status

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten proslijedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

033/ 216 502, 033/ 552 812

[Fax:](#) 033/552 810, 033/ 552 811

<http://www.sogfbih.ba>

<http://www.partnerstvogradova.ba/>

„svjetionika“, dodjeljuje lokalnim upravama koje pokazuju jasnu viziju, odlične usluge i inovacije u određenoj oblasti, započeo je u Velikoj Britaniji. Ovaj program se, uz podršku Vlade Velike Britanije, Vlade Švicarske i OSCE BiH, od 2005. godine provodi i u Bosni i Hercegovini.



ODRŽAN TREĆI SASTANAK PROŠIRENE RADNE GRUPE ZA IZRADU STRATEŠKIH DOKUMENATA SAVEZA



ILIDŽA, 14. april/travanj – U skladu sa implementacijom projekta “Razvoja kapaciteta entitetskih saveza općina i gradova”, koji zajednički implementiraju Savez općina i gradova Federacije Bosne i Hercegovine - SOGFBiH, Savez opština i gradova Republike Srpske – SOGRS, i Međunarodna kooperativna agencija saveza općina Kraljevine Holandije VNG-International, a koji je financiran od strane Švedske međunarodne agencije za razvoj i saradnju - Sida, na Ilidži je održan treći sastanak šire radne grupe za izradu Strateškog plana Saveza općina i gradova Federacije BiH.

U okviru projektne komponente 1 – “Institucionalni i strateški razvoj” planirano je revidiranje, ažuriranje kao i izrada novih strateških dokumenata Saveza. U taj set dokumenata spadaju, Strateški plan, Plan razvoja ljudskih resursa, Strategija razvoja usluga, Strategija komunikacija i Strategija lobiranja.

Na ovom sastanku su uz učešće oko 30 predstavnika općina/gradova FBiH zajednički određeni strateški i operativni ciljevi kao i glavne aktivnosti Saveza za naredne četiri godine.

<http://www.nexpo.nalas.eu>

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDOVE:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmemed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelmed.com/>

http://eacea.ec.europa.eu/index_en.php

SASTANAK DELEGACIJE SAVEZA SA DELEGACIJOM CLRAE



SARAJEVO, 12. april/travanj – U Sarajevu je danas održan sastanak delegacije Saveza općina i gradova Federacije Bosne i Hercegovine sa delegacijom Kongresa lokalnih i regionalnih vlasti Vijeća Evrope. Sastanak je upriličen u okviru četverodnevne posjete delegacije Kongresa lokalnih i regionalnih vlasti Vijeća Evrope Bosni i Hercegovini. Cilj posjete je da se izvrši monitoring o lokalnoj i regionalnoj demokratiji i

uspostava dijaloga sa vlastima na državnom, regionalnom i lokalnom nivou.

"Cilj današnjeg sastanka je, između ostalog, da se napravi presjek stanja u lokalnoj samoupravi u FBiH. Sprovešće se monitoring o lokalnoj i regionalnoj demokratiji kao i o uspostavi dijaloga sa vlastima na državnom i regionalnom i lokalnom nivou", rekla je novinarima prije početka sastanka direktorica Saveza općina i gradova FBiH Vesna Travljanin.

Prema njenim riječima, načelnici općina FBiH će u razgovoru sa predstavnicima Kongresa pojasniti kakav je status lokalne samouprave u odnosu na više nivoe vlasti u FBiH, prije svega kada je riječ o poštivanju procedura, kako u parlamentu, tako i Vladi FBiH.

"Danas ćemo takođe diskutovati o položaju jedinica lokalne samouprave kada su u pitanju nadležnosti, ali i finansiranje lokalne samouprave", kazala je V. Travljanin.

Kako je istakao predsjednik Predsjedništva Skupštine Saveza općina i gradova FBiH Husejin Smajlović najveći problem je u ostvarivanju prava u lokalnoj samoupravi.

"Na nivou države nemamo zakon koji uređuje prava i zakone u lokalnoj samoupravi, a takođe nemamo ni ministra za lokalnu samoupravu. U FBiH ne postoji nikakvo razumijevanje za lokalnu samoupravu", dodao je Smajlović. Nakon posjete delegacija Kongresa lokalnih i regionalnih vlasti Vijeća Evrope će sačiniti monitoring izvještaj, te dati preporuke načelnicima općina u FBiH.

"Nadamo se da će na današnjem sastanku Delegacija dati konkretne preporuke, ta da će nam pomoći kako bi se promijenio odnos državnih vlasti prema lokalnim", kazao je načelnik općine Stari Grad Sarajevo Ibrahim Hadžibajrić. On je dodao da je potrebno da se donese oko 70 zakona na nivou države i entiteta, te da se ti zakoni svedu na lokalne nivoe.

"Prije svega to se odnosi na povrat sredstava kao što je u Evropskoj uniji. U evropskim zemljama povrat sredstava je od 25 do 32 posto, dok je u Federaciji BiH 3,1 posto, a u Republici Srpskoj 4,2 posto. Bez adekvatnih i pravilnih rješenja, te donošenja ovih zakona općine će u narednom vremenskom periodu imati samo dodatne nametnute obaveze viših nivoa vlasti, a sredstava neće biti", pojasnio je Hadžibajrić.

Ispred Saveza sastanku su prisustvovali Vesna Travljanin, direktorica Saveza, Husejin Smajlović, predsjednik Saveza i načelnik Općine Zenica, Ibrahim Hadžibajrić, načelnik Općine Stari Grad, Jasmin Imamović, načelnik Općine Tuzla, Vlado Alilović, načelnik Općine Vitez, Emir Bubalo, načelnik Općine Konjic, Ivo Jerkić, načelnik Općine Čitluk, Miroslav Živanović, zamjenik gradonačelnika Grada

Sarajeva i Predrag Šupljeglav, pomoćnik gradonačelnika Grada Mostara. Savez općina i gradova Federacije Bosne i Hercegovine je od 1994. godine član Kongresa lokalnih i regionalnih vlasti Vijeća Evrope u čijim tijelima ima svoje predstavnike. Savez je kroz aktivno sudjelovanje svojih predstavnika u radu tijela Kongresa ostvario značajne rezultate koji su doprinijeli daljem razvoju i jačanju uloge Saveza kao predstavnika lokalne samouprave Federacije BiH u Kongresu.

ZAVRŠENA PRVA FAZA IZGRADNJE REGIONALNE DEPONIJE

TOMISLAVGRAD, 12. april/travanj – Na lokalitetu Pakline, općina Tomislavgrad, završena je prva faza izgradnje regionalne deponije za odlaganje otpada, za općine Tomislavgrad, Kupres i Prozor/ Rama.

Riječ je o projektu pokrenutom prije više od godinu dana, kada su načelnici ove tri općine potpisali ugovor o osnivanju Javnog preduzeća za zbrinjavanje i upravljanje otpadom "Pakline", sa sjedištem u Tomislavgradu.

Vrijednost investicije je dva miliona eura.

Sredstva su obezbijeđena putem kredita kod Svjetske banke i Inter američke banke za razvoj IDB.

SISTEMATSKO AŽURIRANJE ZEMLJIŠNIH KNJIGA NA PODRUČJU DIJELA OPĆINA GRADAČAC I ČAPLJINA

SARAJEVO, 12. april/travanj – Institucije nadležne za provedbu reforme zemljišne administracije, Federalno ministarstvo pravde i Federalna uprava za geodetske i imovinsko-pravne poslove, imaju za cilj unapređenje zemljišnoknjižnih i katastarskih baza podataka na način da se postigne potpuna usaglašenost podataka sa stvarnim stanjem na terenu.

Kroz realizaciju "Projekta registracije zemljišta", koji se finansira kreditom Svjetske banke (WB) i sredstvima iz budžeta Vlade Federacije BiH, pristupilo se Projektu sistematskog ažuriranja katastra i zemljišnih knjiga na četiri pilot lokacije koje pokrivaju dijelove područja općina Gradačac, Čapljina, Travnik i Ljubuški.

Sistematski pristup podrazumijeva ažuriranje katastra i zemljišnih knjiga na području cijele katastarske općine.

Radovi na sistematskom ažuriranju katastra za katastarsku općinu Čapljina i za katastarske općine Gradačac I i Gradačac II su započeti u januaru/siječnju 2010. godine, a uspješno su završeni u oktobru/listopadu 2010. godine.

Realizacijom ove faze projekta osigurana je usaglašenost baze podataka katastra za predmetne katastarske općine sa stvarnim stanjem nekretnina na terenu.

Ažurirani katastarski podaci su u proteklom razdoblju preuzeti u baze podataka zemljišnih knjiga u zemljišnoknjižnim uredima u Čapljini i Gradačcu.

Ovakvim preuzimanjem podataka od strane zemljišnoknjižnih ureda stvorene su pretpostavke za početak rada na zamjeni - sistematskom ažuriranju zemljišnih knjiga za navedene katastarske općine.

U bazu podataka zemljišnih knjiga preuzeti su podaci o stanovima i poslovnim prostorima iz Knjige položenih ugovora, a upisani su i podaci o stanovima i poslovnim prostorima koji su privatno kupovani prije privatizacije, čime su stvorene pretpostavke za upis vlasništva nad tim nekretninama u zemljišnim knjigama.

U narednim sedmicama objavit će se javni oglasi s pozivom vlasnicima nekretnina

da sudjeluju u postupku zamjene – sistematskog ažuriranja zemljišnih knjiga. Na ovaj način će biti pozvane sve zainteresirane osobe koja polažu pravo na priznavanje vlasništva ili nekog drugog prava na nekretninama upisanim u predmetnim katastarskim općinama da nadležnom zemljišnoknjižnom uredu prijave svoja prava.

Također će biti pozvani vlasnici stanova i poslovnih prostora koji su svoje vlasništvo imali upisano u Knjigu položenih ugovora da provjere da li su njihova prava ispravno prenesena u zemljišnu knjigu.

KONFERENCIJA POVODOM PREDSTAVLJANJA USPJEŠNIH PROJEKATA U OKVIRU IPA PREKOGRANIČNOG PROGRAMA



PODGORICA, 11. april/travanj – Svečana konferencija povodom predavljanja uspješnih projekata finansiranih u okviru prvog poziva za dostavljanje prijedloga projekata i objavljivanja drugog poziva za dostavljanje prijedloga projekata u okviru IPA Prekograničnog programa BiH - Crna Gora, održana je danas u Podgorici.

Konferenciju su organizirali Ministarstvo vanjskih poslova i

evropskih integracija Crne Gore i Direkcija za evropske integracije BiH, kao operative strukture IPA prekograničnog programa BiH – Crna Gora, uz pomoć Zajedničkog tehničkog sekretarijata i Antene ovog programa.

Konferenciji su prisustvovali i predstavnici Delegacije Evropske unije u BiH i Crnoj Gori, te predstavnici općina, ministarstava i drugih institucija iz obje zemlje.

Tokom svečane konferencije javnosti su predstavljani uspješni projekti i aplikanti I dodijeljeni certifikati korisnicima koji su dobili bespovratna sredstva u okviru prvog poziva za dostavljanje prijedloga projekata.

Od 38 primljenih aplikacija u okviru prvog poziva za 2007. i 2008. godinu, odabrano je ukupno 12 projekata koji će biti implementirani u narednom periodu.

Predstavnik Delegacije EU u Podgorici Nikola Bertolini rekao je da prekogranični programi pomažu eliminisanje problema koji opterećuju prekogranični region, ali i omogućavaju pomirenje između lokalne populacije koja je nedavno bila u sukobu.

Stručni savjetnik u Direkciji za evropske integracije (DEI) BiH Senad Lulo naveo je da je u prvom pozivu ukupna vrijednost pristiglih aplikacija iznosila oko deset miliona eura, što je znatno više u odnosu na iznos izdvojenih sredstava.

Zara Halilović iz DEI BiH pohvalila je saradnju operativnih struktura koje rade u okviru programa IPA, navodeći da slijedi implementacija projekata i da postoji interesovanje za mnogo više novca.



Šef sektora za programe prekogranične saradnje u crnogorskom Ministarstvu vanjskih poslova Ratka Sekulović kazala je da je 1. aprila objavljen drugi javni poziv koji će obuhvatiti finansijske lokacije IPA 2009. i 2010., u ukupnom iznosu od 1,98 miliona eura.

STRASBOURG PREDLAŽE SARAJEVO ZA ČLANSTVO U ASOCIJACIJI EVROPSKIH GRADOVA



SARAJEVO, 08. april/travanj – Gradonačelnik Sarajeva Alija Behmen sa zamjenicima Miroslavom Živanovićem i Igorom Kamočajem primio je danas Nawel Rafik-Elmrini, dogradonačelnicu Strasbourga sa kojom je razgovarao o prijemu Grada Sarajeva u Asocijaciju evropskih gradova

"Le club de Strasbourg".

"Sarajevo i Strasbourg imaju mnogo dodirnih tačaka i zajedničkih vrijednosti poput multikulturalnosti, suživota i međureligijskog dijaloga, a oba grada su okusila gorčinu rata. Stoga smatramo da je Sarajevu mjesto u Asocijaciji "Le club de Strasbourg" koja njeguje ove vrijednosti te u kojoj gradovi - članovi razmjenjuju korisna iskustva iz oblasti lokalne samouprave", istaknula je dogradonačelnica Strasbourga Rafik-Elmrini.

Gradonačelnik Behmen izrazio je u ime Grada Sarajeva zahvalnost i spremnost za prijem u članstvo "Le club de Strasbourg" što bi, za Sarajevo i našu zemlju predstavljalo značajno ohrabrenje i korak bliže evropskim integracijama.

"Grad Sarajevo spreman je da prihvati iskustva članica kluba u poljima urbanog planiranja, ekologije i gradskog prijevoza, te ostalih aktuelnih pitanja iz oblasti lokalne samouprave. Posebno su nam interesantne mogućnosti apliciranja s konkretnim projektima u EU fondovima", dodao je gradonačelnik.

Asocijacija "Le club de Strasbourg" formirana je na inicijativu gradonačelnika Strasbourga u maju/svibnju 2003. Članstvo u Asocijaciji ima 38 gradova, a otvorena je i za gradove zemalja koje tek treba da se priključe Evropskoj uniji. Provodi cijeli niz aktivnosti, poput obuke iz oblasti finansijskih instrumenata EU i mogućnosti apliciranja kod EU fondova, održivog razvoja gradova.

UPIS PRVE EMISIJE MUNICIPALNIH OBVEZNICA U FBIH POČINJE 11. APRILA

SARAJEVO, 8. april/travanj – Upis prve emisije municipalnih obveznica u Federaciji Bosne i Hercegovine počinje u ponedjeljak, 11. aprila/travnja, saopćila je Sarajevska berza - burza (SASE).

Općina Tešanj emituje 5.000 obveznica po cijeni od 100,00 KM.

Rok dospjeća obveznica je tri godine, uz godišnju kamatnu stopu od šest posto.

Simbol obveznica u postupku upisa je TSNJPO1, a agent emisije je brokerska kuća SEE Investment Solutions iz Sarajeva.



Emitovanje municipalnih obveznica u svijetu je vrlo popularan način pribavljanja kapitala za jedinice lokalne samouprave, koji je istovremeno isplativ i za investitore u ove vrijednosne papire.

Glavna prednost za općine su niži troškovi finansiranja, koji su obično ispod aktivnih kamatnih stopa po kojima je zaduženje moguće kod komercijalnih banaka, te isključivanje nesigurnosti izazvane promjenljivim kamatnim stopama u bankarskom sektoru.

Ulaganje u municipalne obveznice privlačno je i za investitore, budući da, uz veliku sigurnost, mogu ostvariti prinose veće nego kod ulaganja u državne vrijednosne papire ili oročavanja sredstava u bankama, kaže se u saopćenju.

Pored toga, u svijetu je ulaganje u municipalne obveznice često povezano sa smanjenjem poreske osnovice, što dodatno povećava neto- prinos ovih vrijednosnih papira.

Sarajevska berza - burza (SASE) smatra da bi Vlada FBiH trebala ozbiljno razmotriti uvođenje ovog principa i u naše poresko zakonodavstvo, i pored činjenice da bi to u određenoj mjeri smanjilo poreske prihode Federacije.

Međutim, s druge strane, općine bi na taj način došle do većeg finansijskog kapaciteta, što bi dovelo do uštede u grantovima koji se trenutno daju općinama.

Očekivanja SASE su da će u budućnosti i ostale općine u Federaciji BiH prepoznati prednosti ovog vida finansiranja svoga razvoja, te krenuti stopama općine Tešanj.

POTPISAN SPORAZUM O SARADNJI NA UVOĐENJU SISTEMA TREZORSKOG POSLOVANJA U OPĆINAMA U FBiH

SARAJEVO, 07. april/travanj – Savez općina i gradova Federacije Bosne i Hercegovine i Alpha d.o.o. Sarajevo potpisali su Sporazum o saradnji na zajedničkoj realizaciji aktivnosti na pripremi i implementaciji projekta uvođenja sistema trezorskog poslovanja u jedinicama lokalne samouprave (gradovima i općinama) u Federaciji Bosne i Hercegovine.

Savez je do sada u više navrata upoznao općine o obavezi uvođenja sistema trezorskog poslovanja. U decembru prošle godine u saradnji s Njemačkim društvom za tehničku saradnju (GTZ) organizirao je konferenciju o uvođenju trezorskog poslovanja na lokalnom nivou na kojoj su učestvovalе sve općine iz Federacije BiH. Također, u toku su radionice na temu „Aktuelni problemi u uvođenju trezorskog /rizičnog poslovanja u jedinicama lokalne samouprave“. Do sada je održano pet radionica u mjestima Drvar, Prozor – Rama, Kladanj, Srebrenik, Kakanj i Stolac. Na njima je prisustvovalo oko 120 učesnika iz 60 općina. Iduće sedmice, 14. i 15. aprila će se održati u općinama Foči – Ustikolina i Busovači.

Cilj uvođenja trezorskog poslovanja u jedinice lokalne samouprave su transparentnost računa, unapređenje upravljanja javnim rashodima i racionalnost trošenja sredstava.

Prvobitni rok za uvođenje trezorskog poslovanja, prema Zakonu o budžetima FBiH, bio je april 2009. godine, međutim pošto nijedna općina (izuzev Općine Novi Grad Sarajevo) i vanbudžetski fond nisu ispoštovali ovaj rok, on je, na inicijativu Saveza općina i gradova FBiH produžen do 20. maja 2011. godine.

Putem ovog sporazuma, Savez će pokušati da obezbijedi tehničku podršku i obuku općinama pri uvođenju trezorskog poslovanja, kao i pružiti podršku općinama pri izradi uputstava i pravilnika.

OBJAVLJEN DRUGI POZIV ZA DOSTAVLJANJE PRIJEDLOGA PROJEKATA



Zadovoljstvo nam je objaviti da je 01.04.2011. godine raspisan drugi poziv za dostavljanje prijedloga projekata u okviru IPA Prekograničnog programa Bosna i Hercegovina – Crna Gora.

Ovaj poziv se odnosi na prvi prioritet programa: "Pružiti podršku stvaranju zajedničkog društveno-ekonomskog okruženja za ljude, zajednice i privrede programske oblasti", koji će

biti implementiran kroz tri različite mjere:

Mjera I.1: Inicijative usmjerene na prekogranični privredni razvoj sa naglaskom na turistički i ruralni razvoj.

Mjera I.2: Inicijative usmjerene na unapređenje životne sredine ponajviše u cilju zaštite, promocije i raspolaganja prirodnim resursima.

Mjera I.3: Ostvarivanje društvene kohezije i kulturne razmjene putem institucionalnih i intervencija putem ličnog kontakta i akcija ljudi ljudima.

Sve relevantne dokumente za ovaj poziv, kao što su Vodič za aplikante i aplikacioni paket, možete preuzeti na web stranici programa. Prijedloge projekata treba poslati najkasnije do 01.07.2011. godine u 16.00h na sljedeću adresu:

Zajednički tehnički sekretarijat
Džemala Bijedića 185/12
71000 Sarajevo, Bosna i Hercegovina

Ukoliko želite postaviti pitanje vezano za ovaj poziv možete to učiniti šaljući e-mail na adresu info@cbc.bih-mne.org. Rok za postavljanje pitanja je 10.06.2011. godine. Na sva pitanja koja su stigla u roku odgovori će biti objavljeni na web stranici www.cbc.bih-mne.org najdalje do 20.06.2011.

Info sesije drugog poziva za dostavu prijedloga projekata u okviru IPA Prekograničnog programa BIH – MNE bit će organizovane na slijedećim lokacijama:

19.04.2011. godine (10:30) - Herceg Novi, JUK Herceg Fest, Njegoševa bb

20.04.2011. godine (10:30) - Podgorica, Hotel „City“, Crnogorskih serdara 5

21.04.2011. godine (10:30) - Mojkovac, Hotel „Palas“, Mojkovčkih junaka bb

28.04.2011. godine (10:30) - Tomislavgrad, sala Skupštine HBŽ, Kralja Zvonimira b.b.

04.05.2011. godine (10:30) – Goražde, motel „Bazeni“, Mevsuda Bajića Baje b.b, Vitkovići

05.05.2011. godine (10:30) – Pale, Kulturni centar, Srpskih ratnika 4.

OBJAVLJEN JAVNI POZIV ZA PRIJAVU PROJEKATA NA TRANSNACIONALNI PROGRAM MED

Prije nekoliko dana (1. april/travanj) raspisan je drugi strateški [poziv](#) za dostavu projekta u sklopu programa Europske unije za transnacionalnu saradnju na području Mediterana (MED). Radi se o programu kroz kojeg je IPA zemljama, do kraja implementacije MED programa, na raspolaganju 5,4 miliona eura.

Na ovaj poziv se može aplicirati sa projektnim prijedlozima koji su vezani za prioritet 3 MED programa, a koji se odnosi na poboljšanje mobilnosti i teritorijalne pristupačnosti i to prije svega za poboljšanje pomorske pristupačnosti i tranzitnih kapaciteta, te podršku korištenju informacionih tehnologija u cilju bolje pristupačnosti i teritorijalne saradnje.

Kako se ističe u pozivu institucije iz BiH mogu učestvovati u strateškim projektima u svojstvu partnera kao i sve zemalje kandidati i potencijalni kandidati za članstvo u EU.

Projekti se mogu podnositi do 30. septembra/rujna 2011. godine, s tim što vodeći aplikanti, odnosno države članice Europske unije moraju podnijeti nacrt prijedloga projekata Zajedničkom tehničkom sekretarijatu MED programa do 31. maja/svibnja 2011. godine.

Inače, u programu MED sudjeluje 13 država, a glavni cilj programa je poboljšanje konkurentnosti područja Mediterana, s namjerom da se promoviše rast i mogućnosti za zapošljavanje za buduće generacije, ojača teritorijalna kohezija i zaštita okoliša u pogledu održivog rasta.

Podsjetimo da je u drugom pozivu za dostavljanje ponuda iz 2009. godine odobren jedan projekat u kojem BiH sudjeluje kao partner i to preko Biznis servis centra Vlade Zeničko-dobojskog kantona. Radi se o projektu pod nazivom "Meditranski Eko Industrijski Razvoj (MEID)". Ugovor o grantu sa EU-a za ovaj projekt potpisan je sredinom januara/siječnja ove godine.

Za više informacija posjetite sljedeću web stranicu:

<http://www.programmemed.eu/>

Time schedule

Timeframe	Task
01.04.2011	Opening of the call
07.04.2011	Launching seminar to prepare draft project
31.05.2011	Deadline of submission draft project
Week 26 or 27	Applicants' seminar to prepare full application
01.06.2011	Opening final application (on PRESAGE CTE)
30.09.2011	Deadline to submit the final application (on PRESAGE CTE)

NAJAVA SEMINARA

FISKALNA POLITIKA I PROGRAMSKO BUDŽETIRANJE U BIH

Savez općina i gradova Federacije BiH najavljuje održavanje jednodnevnog seminara za uposlenike općina i gradova Federacije BiH na temu: **Fiskalna politika i Programsko Budžetiranje u Bosni i Hercegovini**

Seminar se održava u okviru projekta "Razvoja kapaciteta entitetskih saveza općina i gradova", projektne komponente 3 – "Razvoj servisa".

Seminar će se održati **27. aprila/travnja 2011. godine** (srijeda), **u Sarajevu od 10:30 do 16:00 sati, u Hotelu Terme, Ilidža – Sarajevo**. Voditelj seminara bit će Naida Čaršimamović Vukotić a bavit će se sljedećim temama:

- Pregled generalnih fiskalnih indikatora Bosne i Hercegovine u makroekonomskom kontekstu,
 - Rad Fiskalnog vijeća Bosne i Hercegovine,
 - Pregled Stand By aranžmana sa Međunarodnim monetarnim fondom,
 - Proces višegodišnjeg okvirnog proračuna pripreme dokumentacije Programskog budžetiranja,
 - Proces pripreme godišnjeg budžeta,
 - Programsko budžetiranje (Definicija, programi i mjere učinkovitosti, Analiza dokumentacije programskog budžeta od strane Ministarstva finansija, Pregled državnog procesa planiranja budžeta, uključujući dokumentaciju Programskog budžetiranja i Pregled mogućih programskih budžeta za općinu).
-